



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Vita B. Francisci Xaverii

Torsellini, Orazio

Coloniae Agrippinae, 1610

VI. Meacum magno labore contendit.

urn:nbn:de:hbz:466:1-42323

cuius magnitudine vrbs, celebritate Collegiorum, Cœnobiorumque multitudine, in ipso itinere ad eò multa cognorat, vt ei in animo fuerit rectà contendere Meacum. Sed, Deo Cangoximanis fauente, Cangoximam, vt supra diximus, nauis appulsa est, vbi spes Christianæ rei bene gerendæ diutiùs quàm fructuosiùs eum retinuerat. Meacum igitur iturus, dedit se in viam duobus comitibus, Ioanne Fernando è Societate, & Bernardo Iapone neophyto, antiquæ probitatis viro, qui Cangoximæ ad Christi fidem accesserat primus.

CAPVT VI.

Meacum magno labore contendit.

MEACVS vrbs in media fermè insula sita est, velut Iaponis vmbilicus. Distat ab Amangucio, quod in primo insulæ aditu est positum, recta quidem regione passuū millia non ampliùs CL. Sed anfractus maximi æstuariorum ac montiū intercedunt. Eò iter intēdit Xauerius anno post Christum natū M. D. L. mense Octobri, quo mense in Iapone ingruit frigus. Erat tum iter illud non modo saxis asperum, sed etiam perpetuis obsitum niuib⁹, quas acri gelu vis hyemis adstrinxerat

xerat. Quocirca passim in syluis concre-
 tæ ex niue glacieque quasi trabes ex ar-
 boribus pendebant, pestem atque exitiū
 viatoribus minitantes. Accedebant bel-
 lorum, quibus tota regio ardebat, haud
 leuia pericula: crebra etiam latrocinia,
 quibus itinera erant infesta. Franciscus
 tamen omnium rerum, præterquam di-
 uinæ prouidentia, salutisque animorum,
 immemor, iter adeò longinquum ac pe-
 riculosum alienissimo anni tempore sus-
 cepit. Cæterum siue ut expeditum inter
 barbaros iter, siue ut certum aliquem ta-
 lis viæ ducem haberet, equiti indigenæ,
 Meacum petenti, famulum semet adiun-
 xit, seruitutem quoque pro Christo sibi
 decoram ratus. Domini ergo equitantis
 sarcinulam, præter suum Missæ instru-
 mentum, cursitans gestabat humeris. He-
 rus quippe cursus magis quàm itineris
 modo concitabat equum per obnoxia
 latronibus loca. Et Franciscus pedibus
 ferme ibat nudis, quòd riui amnesq; va-
 do transeundi se passim offerrent. Itaque
 sæpenumero pedibus ex niuis & algoris
 iniuria intumescantibus, grauius labo-
 rabat: crebro etiam cursu & sarcinarum
 gestatione fatigatus, glacie, aut asperitate
 viæ fallente vestigia, corruerat. Quæ ille
 omnia non æquo solùm, sed etiam inten-

*Xauerius
 equiti fa-
 mulum se
 adiungit.*

*Meacensis
 itineris la-
 bores &
 ærumna.*

to in Deum & à sensibus alienato superabat animo. Quippe tanta erat vis cælestis contemplationis, ut victis dulcedine sensibus, subinde in vepres indueret se; ad lapides offensaret pedes laceraretque sine ullo prorsus sensu doloris. Nec verò noctis conditio melior quàm diei. sæpe de nocte imbribus madefactus, frigore confectus ac fame, ad diuersorium veniebat, ubi humana ærumnarum subsidia solatiaque suppeterent nulla. Argumento est, quod toto illo itinere oryza, eaque emendicata, vitam toleravit, non minore alimentorum inopia, quàm corporis vexatione procedens. Tantas hæc itineris ærumnas insolentia exasperabat gentis. Iapones, ut elato sunt celsoque animo, peregrinum hominem, Iaponicæ elegantia ac moris ignarum, eundemque sui contemptorem, exagitabant, velut stolidum fatuumque. Quocirca in oppidis ac pagis, quâ transibat, in nauigiis quibus vehabatur, in viis passim ac diuersoriis, omnium erat ludibrium. At ille hilariter, non modò patienter, cuncta perferebat, cum Apostolo *stultus propter Christum, & omnium peripsema* esse gestiens. Mensibus in itinere duobus exactis, demum innumerabilibus terra marique perfunctus malis, Meacum Dei benignitate sal-

*Xauerius
exagita-
tur ut sto-
lidus.*

nus & incolumis peruenit. Meacus vrbs
 est Regia. Iaponiæ totius longè maxima
 ac celeberrima. Ea cum floreret (si famæ
 libet credere) tectorum propè CC. mil-
 libus frequentabatur; sed crebris vastata
 bellis, populationibus, incendiis, propè
 dimidio minor euasit. Sanè murorum cir-
 cuitus, vrbsque vastitas ea est, quæ ve-
 ram esse ostendat vastitatis famam. Cum
 eò venit Xauerius, domorum habebat
 facilè centum millia. Meaci Academia
 est percelebris; Collegia discipulorum
 quinque præcipua, Cœnobia verò innu-
 mera virorum mulierumque. Itaque ma-
 xima seges ac materia conuersionis offer-
 ri videbatur. Verùm (quæ sunt occulta
 Dei consilia) ea spes profus irrita atque
 inanis fuit. Meacum vt venit, intentus in
 occasionem Regis adeundi, petendi que
 ab eo vt faceret Euangelij in suo Re-
 gno pronuntiandi potestatem, ad Regi-
 am dies aliquot frustra expectauit. Iapo-
 nicæ quippe consuetudinis urbanitatis-
 que inscitia, vulgaris & obsoleta vestis,
 Christianæ vitæ simplicitas eum cohorti
 Regiæ eludendum præbebant. Itaq; ad-
 eò obstructos omnes ad Regem inuenit
 aditus, vt nunquam omnino eum adire
 licuerit. Ergo cum interim comperis-
 set, ceteros Dynastas, Meacensis Regis
 maie-

*Meacus
 vrbs ma-
 xima &
 celeberris-
 ma.*

*Xauerius
 à cohorte
 Regia elu-
 ditur.*

maiestate obsolescente, nequaquam illi dicto audientes esse; mutato consilio, curaque impetrandi Regij diplomatis ommissa, tentare Meacenses coepit, quo tandem animo Christianam acciperent legem. Reperit ciuitatem omnem sollicita expectatione, suspensam metu bellorum ingruentium. Itaque, auersus auribus animisque omnium, tempus terebat. Vitro etiam in compitis ad circumfusam multitudinem verba faciens (quod idem illi in aliis quoque oppidis acciderat) a pueris ac fece plebis passim obsoletis calceis, aut etiam lapidibus petebatur exigebaturque, adeo nihil salutare non modo ad animos, sed ne ad aures quidem admittebat obstinata superstitione. At ille *ibat gaudens, quod dignus habitus esset pro nomine IESU contumeliam pati.* Demum ut perspexit nec pacatam esse ciuitatem, & ab Euangelio profus alienam; enimvero doluit sibi, post tantos itineris labores, re infecta, nulloque cum manipulo ex tanta segete discedendum: sed tota re diuinae voluntati prouidentiaque permissa, Amangucium remigrat, illa se cogitatione consolans, praclarum esse pro Christo magna non solum agere, sed etiam pati.

*Lapidibus
appetitur.*